

書名 廣文選八十二卷 嘉靖  
十二年序刊本  
撰者 明 劉節 輯  
卷 卷五十五  
內容分類 集-總集-詩文  
索書號 大木-集部-總集類-3  
編號 D7920300

# 卷五十五



廣文選卷第一

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

惟自然之初載兮道虛無而玄清太素紛以溷淆兮始  
有物下而混成何元一之芒昧兮廓開闢而著形爾乃清  
濁剖玄黃判離太極既殊是生兩儀星辰煥列日月  
重規以尊地靜以卑昏明迭炤或盈或虧陰陽協  
氣而寒暑隨時而推移三才殊性五行異位千變  
萬化度類授之以形稟之以氣色表文采聲有音  
律復言方流形品物鼓以雷霆潤以慶雲八風翱翔

天地賦

成公子安

明通議大夫都察院右副都御史大庾劉節廣



西海濬兮人迹所極至大秦兮珊瑚明珠銅金銀兮琉璃瑪瑙來雜陳兮碑礫水精莫非真兮雄黃雌石出山垠兮青白蓮花被水濱兮宮殿樓觀並七珍兮窮陸溟海又有民兮長股深目豈君臣兮丈夫女子及三身兮結膏反舌一臂人兮跂踵交脛與羽民兮不死之國皆何因兮茫茫造化理難循兮聖者不測况庸倫兮筆墨之暇爲此文兮薄暮雷電聊以忘憂又示君子

廣文選卷第五十四

江都葛澗校

廣文選卷第五十五

明通議大夫都察院右副都御史大庾劉節廣

設論上

解難

楊子雲

客難楊子曰凡著書者爲衆人之好也美味期乎合口一聲調於比耳今吾子乃抗辭幽說閑意耿指獨馳騁仁有亡之際而陶冶大鑪旁薄群生歷覽者茲年矣而殊不寤費精神於此而煩學者於彼譬畫者畫於無形弦者放於無聲殆不可乎楊子曰愈若夫閑言崇議幽微之塗蓋難與覽者同也昔人有觀象於天視度於地察法於人者天麗且彌地普而深昔人之辭廼玉廼金彼豈好爲艱難哉勢不得已也獨不見翠軒絳螭之

將登乎天必聳身於蒼梧之淵不階浮雲翼疾風虛舉  
而上升則不能撒膠葛騰九閔日月之經不千里則不  
能燭六合耀八紘泰山之高不嵯嶢則不能濔滂雲而  
散欺烝是以宓犧氏之作易也縣洛天地經以八卦文  
王附六爻孔子錯其象而彖其辭然後發天地之藏定  
萬物之基典謨之篇雅頌之聲不溫純深潤則不足以  
揚鴻烈而章緝熙蓋胥靡為宰寂寞為尸大味必淡大  
音必希大語呶呶大道低回是以聲之眇者不可同於  
衆人之耳形之美者不可混於世俗之目辭之衍者不  
可齊於庸人之聽今夫弦者高張急徽追趨逐者則坐  
者不期而附試為之施咸池掄六莖發蕭韶詠九成則  
莫有和也是故鍾期死伯牙絕絃破琴而不肯與衆鼓  
斲人亡則匠石斲斤而不敢妄斷師曠之調鍾竦知音  
者之在後也孔子作春秋幾君子之前睹也老聃有遺  
言貴我者希此非其操與

達旨

崔亭伯

或說已曰易稱備物致用可觀而有所合故能扶陽以  
出順陰而入春發其華秋收其實有始有極爰登其質  
今子編續六經服膺道術歷世而遊高談有日俯鉤深  
於重淵仰探遠乎九乾窮至願於幽微測潛隱之無源  
然下不步卿相之庭上不登王公之門進不黨以譖已  
退不黷於庸人獨師友道德合符囊真抱景特立與士  
不羣蓋高樹靡陰獨木不林隨時之宜道貴從凡于時  
太上運天德以君世憲王僚而布官臨雍泮以恢儒䟽

軒冕以崇賢率惇德以厲忠孝揚茂化以砥仁義選利器於良材求鑄錙於明智不以此時攀台叱咤關紫闥據高軒望朱闕夫欲千里而哭尺未發蒙竊竊焉故英人乘斯時也猶逸禽之赴深林蟲蚋之趣大沛胡為嘿嘿而又沉滯也答曰有是言乎子苟欲勉我以世路不知其跌而失吾之度古者陰陽始分天地初制皇綱云緒帝紀乃設傳序歷數三代興滅昔大庭尚矣赫胥網識淳樸散離人物錯乖高辛攸降厥趣各違道無常稽與時張弛失仁為非得義為是君子通變各審所履故士或掩目而淵潛或盟耳而山棲或草耕而僅飽或木茹而長飢或重聘而不來或屢黜而不去或冒詢以干進或望色而斯舉或以役夫發夢於王公或以漁父見非於元龜若夫紛纒塞路凶虐播流人有昏墊之危主有疇咨之憂條垂蟲蔓上下相求於是乎賢人授手援世之災跋涉赴俗急斯時也昔堯含感而臯陶謨高祖歎而子房慮禍不散而曹絳奮結不解而陳平權及其策合道從克亂彌衝乃將鏤玄珪冊顯功銘昆吾之冶勒景襄之鍾與其有事則褰裳濡足冠挂不顧人溺不拯則非仁也嘗其無事則躡纓整襟規矩其步德讓不修則非忠也是以險則救俗平則守禮舉以公心不私其體今聖上之育斯仁也樸以皇質雕以唐文六合怡怡比屋為仁一天下之衆異齊品類之萬殊參差同量圻治一陶羣生得理庶績其凝家家有以樂和人人有以自優威械藏而俎豆布六典陳而九刑厝濟茲兆庶出

製 複 許 不

NOT TO BE REPRODUCED

東京大学東洋文化研究所

於平易之路雖有力牧之略尚父之厲伊臯不論矣事  
范蔡夫廣厦成而茂木暢遠求存而良馬繫陰事終而  
水宿藏場功畢而大火入方斯之際處士山積學者川  
流衣裳被宇冠蓋浮雲譬猶衡陽之林岱陰之麓伐尋  
抱不爲之稀執拱把不爲之數悠悠固極亦各有得彼  
採其華我收其實舍之則藏已所學也故進動以道則  
不辭執珪而秉柱國復靜以理則甘糟糠而安藜藿夫  
君子非不欲仕也耻夸毗以求舉非不欲室也惡登牆  
而樓處叫呼銜鬻縣旌自表非隨和之寶也暴智燿世  
因以干祿非伸尾之道也游不倫黨苟以徇已汗血競  
時利合而友子笑我之沉滯吾亦病子屑屑而不已也  
先人有則而我弗虧行有枉徑而我非隨臧否在予唯  
世所議因將因天質之自然講上哲之高訓誅太平之  
清風行天下之至順懼吾躬之穢德勤百畝之不耘繫  
余馬以安行俟性命之所存昔孔子起威於夾谷晏嬰  
發勇於崔杼曹劌舉節於柯盟卞嚴克捷於疆禦范蠡  
錯執於會稽伍員樹功於栢舉魯連辯言以退燕包胥  
單辭而存楚唐且華顛以悟秦甘羅童牙而報趙原襄  
見廉於壺飧宣孟收德於東脯吳札結信於丘木展季  
效貞於門女顏回明仁於度轂程嬰顯義於趙武僕誠  
不能編德於數者竊慕古人之所序

應閒

張平子

有閒余者曰蓋聞前哲首務務於下學上達佐國理民  
有二爲也朝有所聞則夕行之立功立事式昭德音是

故伊尹思使君為堯舜而民處唐虞彼豈虛言而已哉  
必旌厥素爾咎單巫咸實守王家申伯樊仲實幹周邦  
服衮而朝介圭作瑞厥迹不朽垂烈後昆不亦不歟且  
學非以要利而富貴萃之貴以行令富以施惠惠施令  
行故易稱以大業質以文美實由華興器賴雕飾為好  
人以輿服為榮五子性德體道篤信安仁約已博藝無  
堅不鑽以思世路斯何遠矣曩滯曰官今又原之雖老  
氏曲全盡道若退然行亦以嚚必也學非所用術有所  
仰故臨川將濟而舟楫不存焉徒經思天衢內昭獨智  
固合理民之式也故嘗見謗于鄙儒深厲淺揭隨時為  
義曾何貪於支離而習其孤技邪參輪可使自轉木雕  
猶能獨飛已垂翅而還故棲蓋亦調其機而銛諸昔有

言以相剋鳴于喬木乃金聲而玉振之用後勳雲前各  
倖倭不柔以意誰斬也應之曰是何觀同而見異也君  
子不患位之不尊而患德之不崇不耻祿之不夥而耻  
智之不博是故執可學而行可力也天爵高縣得之在  
命或不速而自懷或羨游而不臻求之無益故智者面  
而不思陷身以徼幸因貪夫之所為未得而豫喪也枉  
尺直尋議者譏之盈欲虧志孰云非羞於心有猜則簋  
飧饌舖不屑餐旌簪以之意之無疑則兼金盈百而不  
嫌辭孟轉以之士或解短褐而襲黼黻或委圭笏而據  
文軒者度德拜爵量績受祿也輸力致庸受必有階渾  
元初基靈軌未紀吉凶分錯人用腫脹黃帝為斯深慘

有風后者是焉亮之察三辰於上迹禍福乎下經緯歷  
數然後天步有常則風后之爲也當少昊清陽之末實  
或亂德人神雜擾不可方物重黎又相顛頊而申理之  
日月卽次則重黎之爲也人各有能因藝受任鳥師別  
名四叔三正官無二業事不並齊晝長則宵短日南則  
景北天且不堪兼况以人該之夫玄龍迎夏則凌雲而  
奮鱗樂時也涉冬則涵泥而潛蟠避害也公旦道行故  
制典禮以尹天下懼教誨之不從有人之不理仲尼不  
遇故論六經以俟來辟耻一物之不知有事之無範所  
考不齊如何可一夫戰國交爭戎車競驅君若綴旒人  
無所麗燭武縣繼而秦伯退師魯連係箭而聊城弛折  
從往則合橫來則離安危無常要在說夫咸以得人爲

臬失士爲尤故樊噲披帷入見高祖高祖踞洗以對酈  
生當此之會乃龜鳴而鼈應也故能同心戮力勤恤人  
隱奄受區夏遂定帝位皆謀臣之由也故一介之策各  
有攸建子長謀之爛然有弟夫女媵比而應龍翔洪鼎  
聲而軍容息溽暑至而鶉火棲寒冰沍而龜鼉蟄今也  
皇澤宣洽海外混同萬方億醜并質共劑若脩成之不  
暇尚何功之可立立事有三言爲下列下列且不可庶  
矣奚冀其二哉于茲搢紳如雲儒士成林及津者風摠  
失塗者幽僻遭遇難要趨偶爲幸世易俗異事執舛殊  
不能通其變而一度以揆之斯契船而求劍守株而伺  
兔也冒愧逞願必無仁以繼之有道者所不履也越王  
句踐事此故厥緒不末捷徑邪至我不忍以投步干進

苟容我不忍以歛眉雖有犀舟勁楫猶人涉印否有須  
者也姑亦奉順敦篤守以忠信得之不休不獲不吝不  
見是而不愔居下位而不憂允上德之常服焉方將師  
天老而友地典與之乎高睨而大談孔甲且不足慕焉  
稱殷彭及周聃與世殊技固孤是求子憂未萍曼之無  
所用吾恨輪扁之無所教也子觀木雕獨飛戩我垂翅  
故棲吾感蠹畫附鴟悲爾先笑而後號也斐豹以斃督  
燔書禮至以掖國作銘弦高以牛餼退敵墨翟以縈帶  
全城貫高以端辭顯義蘇武以禿節效貞蒲且以飛矰  
逞巧詹何以沈鉤致精奕秋以碁局取譽王豹以清謳  
流聲僕進不能參名於二立退又不能群彼數子愍三  
墳之既頽惜八索之不理庶前訓之可鑽耶朝隱乎柱

誠於知已

釋誨

蔡伯喈

有務世公子誨於華顛胡老曰蓋聞聖人之大寶曰位  
故以仁守位以財聚人然則有位斯貴有財斯富行義  
達道士之司也故伊摯有負鼎之術仲尼設執鞭之言  
甯子有清商之歌百里有豢牛之事夫如是則聖哲之  
通趣古人之明志也夫子生清穆之世稟醇和之靈單  
思典籍韞櫝六經安曾樂賤與世無營沉精重淵抗志  
高明包括無外綜析無形其已矣曾不能拔萃出羣  
揚芳飛文登天庭序彝倫掃六合之穢慝清宇宙之埃  
塵連光芒於白日屬炎氣於景雲時逝歲暮默而無聞



小子惑焉是以有云方今聖上寬明輔弼賢知崇英逸  
偉不墜於地德弘者建宰相而裂土才羨者荷榮祿而  
蒙賜蓋亦回塗要至俛仰取容輯當世之利定不拔之  
功榮家宗於此時遺不滅之令蹤夫獨未之思邪何爲  
守彼而不通此胡老傲然而笑曰若公子所謂覩曖昧  
之利而忘昭哲之害軍必成之功而忽蹉跌之敗者已  
公子謾爾歛袂而興曰胡爲其然也胡老曰居吾將釋  
汝昔自太極君臣始基有義皇之洪寧唐虞之至時三  
代之隆亦有緝熙五伯扶微勤而撫之干斯已降天綱  
縱人紘施王塗壞太極阨君臣土崩上下瓦解於是智  
者騁詐辯者馳說武夫奮略戰士講銳雷駭風馳霧散  
雲披變詐乖詭以合時宜或畫一策而縮萬金或談崇  
朝而錫瑞珪連衡者六印磊落合從者駢組流離隆貴  
翕習積富無崖據巧蹈機以忘其危夫華離帶而萎條  
去榦而枯女冶容而淫士背道而辜人毀其滿神疾其  
邪利端始萌害漸亦牙速速方轂天夫是加欲豐其屋  
乃蔀其家是故天地否閉聖哲潛形石門守晨沮溺耦  
耕顏歆抱璞遽瑗保生齊人歸樂孔子斯征雍渠駉乘  
逝而遺輕夫豈傲主而背國乎道不可以傾也且我聞  
之曰南風至黃鐘應融風動而魚上冰蕤賓統則微陰  
萌兼葭蒼而白露凝寒暑相推陰陽代興連極則化理  
亂相承今大漢紹陶唐之洪烈盪四海之殘災隆隱天  
之高拆絙地之基皇道惟融帝猷顯丕泯泯庶類含甘  
吮滋檢六合之羣品濟之乎雍熙羣僚恭已於職司聖

主垂拱乎兩盈君臣穆穆守之以平濟濟多士端委縉  
紼鴻漸盈階振鷺克庭譬猶鍾山之玉泗濱之石累珪  
璧不爲之盈採浮磬不爲之索曩者洪源辟而四隩集  
武功定而干戈戢獫狁攘而吉甫宴城濮捷而晉凱入  
故當其有事也則策筮並載擐甲揚鋒不給於務當其  
無事也則舒紳緩佩鳴玉以步綽有餘裕夫世臣門子  
誓御之族天隆其祐主豐其祿抱膺從容爵位自從攝  
須理髯餘官委貴其進取也順傾轉圓不足以踰其便  
逡巡放履不足以况其易夫有逸羣之才人人有優瞻  
之智童子不問疑於老成瞳矇不稽謀於先生心恬澹  
於守高意無爲於持盈絜乎煌煌莫非華榮明哲泊焉  
不失所寧狂淫振蕩乃亂其情貪夫向財夸者死權營  
仰此事體躁心煩階謙劌之效迷損益之數騁駑駘於  
修路慕騏驥而增驅卑俯乎外戚之門氣助乎近貴之  
譽榮顯未副從而顛踣下獲重宵之辜高受滅家之誅  
前車已覆襲軌而驚曾不見禍以知畏懼予惟悼哉害  
其若是天高地厚跼而踏之怨豈在明患生不思戰戰  
競競必慎厥尤且用之則行聖訓也舍之則藏至順也  
夫九河盈溢非一曲所防帶甲百萬非一勇所抗今子  
責匹夫以清宇宙庸可以水旱而累堯湯乎懼煙炎之  
毀燔何光芒之敢揚哉且夫地將震而樞星直井無景  
則日陰食元首宵則望舒眺戾王肅則月側匿是以君  
子推微達者尋茲見緒履霜知冰踐露知暑時行則行  
時止則止消息勿冲取諸天紀利用遭泰可與處否樂

天知命持神任已羣車方奔乎險路安能與之齊軌思  
危難而自豫故在賤而不耻方將騁馳乎典籍之崇塗  
休息乎仁義之淵藪槃旋乎周孔之庭宇揖儒墨而與  
爲友舒之足以光四表收之則莫能知其所有若乃丁  
千載之運應神靈之符闔閭闔乘矢衢擁華蓋而奉皇  
樞納玄策於聖德宣太平於中區計合謀從已之圖也  
勲績不立予之辜也龜鳳山翳霧露不除踊躍草萊祗  
見其愚不我知者將謂之迂脩業思真棄此馬如靜以  
俟命不斁不渝百歲之後歸乎其居幸其獲稱天所誘  
也罕漫而已非已咎也昔伯翳綜聲於鳥語葛盧辯音  
於鳴牛董父受氏於秦龍奚仲供德於衡軒偃氏興政  
於巧工造父登御於驪騮非子享土於善圍狼曠取右  
於禽囚弓父畢精於筋角飲非明勇於赴流壽王創製  
於格五東方要幸於談優上官効力於執蓋弘羊據相  
於運籌僕不能參跡於若人故抱璞而優遊於是公子  
仰首降階忸怩而避胡老乃揚衡含笑援琴而歌歌曰  
練余心兮浸太清滌穢濁兮存正靈和液暢兮神氣寧  
情志泊兮心亭亭嗜欲息兮無由生踔宇宙而遺俗兮  
眇翩翩而獨征

抵疑

夏侯孝若

當路子有疑夏侯湛者而謂之曰吾聞有其才而不遇  
者時也有其時而不遇者命也吾子童幼而岐嶷弱冠  
而著德少而流聲長而垂名拔萃始立而登宰相之朝  
揮翼初儀而受御尹之舉盪典籍之華談先王之言入

閭闔躡丹墀染彫管吐洪輝于當世之務觸人主之威  
有效矣而官不過散郎舉不過賢良鳳棲五碁龍蟠六  
年英雄禿落羽儀摧殘而獨雍容藝文蕩駘儒林志不  
輟著述之業口不釋雅頌之音徒費情而耗力勞神而  
苦心此術亦以薄矣而終莫之辯宜吾子之陸沈也且  
以言乎才則吾子優矣以言乎時則子之所與二三公  
者義則骨肉之固交則明道之觀也富與德貴於官其  
所發明雖叩牛操築之客傭賃抱關之隸負俗懷譏之  
士猶將登爲大夫顯爲卿尹於何有寶咳唾之音愛錙  
銖之力向若垂一鱗回一翼令吾子攀其飛騰之執挂  
其羽翼之末猶奮迅於雲霄之際騰驤於四極之外今  
乃金口玉音漠然冰泮使吾子栖遲窮巷守此困極心  
有窮志貌有饑色咨江河之流不以濯舟船之畔惜東  
壁之光不以寓貧婦之目抑非二三公之蔽賢也寔吾  
子之拙惑也夏侯子曰噫湛也幸有過人必知之矣吾  
子所以褒飾之大矣斟酌之喻非小醜之所堪也然過  
承古人之誨抑因子大夫之忝在弊室敢布其腹心豈  
能隱几以覽其槩乎客曰敢祇以聽夏侯子曰吾聞先  
大夫孔聖之言德之不修學之不講聞義不能徒不善  
不能改是吾憂也四德具而名位不至者非吾任也是  
以君子求諸己小人求諸人僕也承門戶之業受過庭  
之訓是以得接冠帶之末克乎士大夫之列頗闕六經  
之文覽百家之學弱年而入公朝蒙蔽而當顯舉進不  
能拔羣出萃却不能抗排當世志則乍顯乍昧文則乍

幽乍蔚知之者則謂之欲逍遙以養生不知之者則謂之欲遑遑以求達此皆未是僕之所匱也僕又聞世有道則士無所執其節黜陟明則下不在量其力是以當舉而不辭入朝而酬問僕東野之鄙人頑直之陋生也不識當世之便不達朝廷之情不能借靡容悅出入崎傾逐巧點妍嘔喁辯佞隨群班之次伏簡墨之後當此之時若失水之魚喪家之狗行不勝衣言不出口安能干當世之務觸人主之威通足以露狂簡而增塵垢縱使心有至言言有偏直此委巷之誠非朝廷之欲也今天子以茂德臨天下以八方六合為四境海內無虞萬國玄靜九夷之從王化猶洪聲之收清響黎苗之樂函夏若遊形之招惠景鄉曲之徒一介之士曾諷急就習甲子者皆奮筆揚文議制論道出草苗起林藪御青瑣入金墉者無日不有克三臺之寺盈中書之閣有司不能竟其文當年不能編其籍此執政之所厭聞也若乃羣公百辟卿士常伯被朱佩紫耀金帶白坐而論道者又克路盈寢黃幄玉階之內飽其尺牘矣若僕之言皆糞土之說消磨灰爛垢辱招穢適可克衛士之舉盈婦除之器譬猶投盈寸之膠而欲使江海易色燒一羽之毛而欲令大鑪增執若燎原之煙彌天之雲噓之不益其熱喻之不減其氣今子見僕入朝暫對便欲坐望高位吐言數百謂陵嶒一世何吾子之失評也僕因詣車以須放秣馬以待却反耕於枳落歸志乎澗瀨從容乎農夫優游乎卒歲矣古者天子畫土以封群后群后受

國以臨其邦懸大賞以樂其成列九代以討其違興衰  
相形安危相傾故在位者以求賢爲務受任者以進才  
爲急今也則九州爲一家萬國爲百郡政有常道法有  
恒訓因循而禮樂自定揖讓而天下大順夫道學之貴  
游閭邑之搢紳皆高門之子世臣之胤弘風長譽推成  
而進悠悠者皆天下之彥也諷詒訓傳詩書講儒墨說  
玄虛僕皆不如也二三公之簡僕於凡庸之肆顯僕於  
細猥之中則爲功也重矣時而清談則爲親也周矣且  
古之君子不知士則不明不安是以居逸而思危對食  
而有乾今也則否居位者以善身爲靜以寡交爲慎以  
弱斷爲重以怯言爲信不知士者無公誹不得士者不  
私愧彼在位者皆稷契咎益伊呂周召之倫叔豹仲熊

之傳稽古則踰黃唐經緯則越虞夏茂昆吾之功咄桓  
文之勲抵撓帝仲蹉電晏嬰其遠則欲升鼎湖近則欲  
超大平方將保重齋神獨善其身玄白沖虛乞爾養真  
雖力挾太山將不舉一羽揚波萬里將不濯一鱗咳唾  
成珠玉揮袂出風雲豈肯蹶躡鄙事取才進人此又吾  
子之失言子獨不聞夫神人乎翕風飲露不食五穀登  
太清遊山嶽靡芝草弄白玉不因而獨備無假而自足  
不與人路同嗜欲不與世務齊榮辱故能入無窮之門  
享不死之年以此言之何待進賢客曰聖人有言曰用  
有道貧且賤焉耻也今子值有道之世當太平之會不  
攘袂奮氣發謀出奇使鳴鶴受和好爵見縻抑乃沈身  
郎署約志勤卑不亦羸哉且伊尹之干成湯甯戚之迂

桓公或投已鼎俎或庸身飯牛明廢興之機歌白水之  
流德入殷王義感齊侯故伊尹起庖厨而登阿衡甯戚  
出車下而階大夫外無微介內無請謁矯身擢手徑躡  
名位吾子亦何不慕賢以自厲希古以慷慨乎夏侯子  
曰嗚呼是何言歟富與貴是人之所惡也夫干將之劍  
陸斷狗馬水截蛟龍而鉛刀不能入泥騏驥驪騮之乘  
一日而致千里而駑蹇不能邁故百鍊之鑑別鬚眉之  
數而壁上不見泰山鴻鵠一舉橫四海之區出青雲之  
外而天鶚不陵桑榆此利鈍之覺優劣之決也夫欲進  
其身者不過千萬乘而僕以上朝堂答世問不過顯所  
知僕以竭心思盡才學意無雅正可準論無片言可採  
是以頓於鄙陋而莫之能起也以此言之僕何爲其不  
自衒哉子不嫌僕德之不劭而疑其位之不到是猶反  
鏡而索照登木而下釣僕未 以此爲不肖也若乃伊尹  
負鼎以干湯呂尚隱遊以徼 文傳說操築以寤主甯戚  
擊角以要君此非僕所能也 莊周駘蕩以放言君平賣  
卜以自賢接輿陽狂以蔽身 梅福棄家以求仙又非僕  
之所安也若乃季札抗節於 延陵楊雄覃思於太玄伯  
玉和柔於人懷柳惠三結於 士官僕雖不敏竊頗彷彿  
其清塵

廣文選卷第五十五

江都葛澗校